

در سعادته باب عالی جوارزنده
اداره مخصوصه

محل اداره :

مشرط القیم

اخطار :

مسلكمزه موافق آثار جدید مع المنوئیه
قبول اولتور
درج ایلمهین آثار اعاده اولماز

دین ، فلسفه ، حقوق ، ادبیاتدن و سیاسیاتدن وبالخاصه کرك سیاسى و كرك اجتماعى و مدنى احوال و شئون اسلامیه دن
بحث ایدر وهفته ده بردفعه نشر اولتور

در سعادته نسخه سی ۵۰ پاره در

صاحب و مؤسسلری :
ابواللا زین المابدین — ح ، اشرف ادیب
آبونه بدلی

تاریخ تاسیسی

۱۰ تموز ۳۲۴

قیرلهدن مقوا بورو ایله کوندریلیر سه سنوی
۲۰ غروش فضله آلنیر

سنه لکی	اللی یلفی	غروش
ممالک عثمانیه ایچون ۸۰	۴۰	۴۰
روسیه ایچون ۶۰	۳۰	۳۰
سائر ممالک اجنبیه ایچون ۱۷	۹	۹

عدد : ۵۸

۲۹ رمضان ابارک ۳۲۷ پنجشنبه ۱ تشرین اول ۳۲۵

اوچنچی جلد

[زمو] در واصل [ازتهاء] افتد اردر ، [تاء] حروف رخومدن و [زاء] حروف شدیده دن اولوب یینلرنده تنافر بولندیغندن تاء افتعال داله تبدیل ایدلدر .

.*

و توالث بشری الهوائف ان قد

ولد المصطفی و حق الهناء

و او کیجه هاتفلرک : ایها الناس ! خیرالوری محمد مصطفی علیه افضلالتحایا حضرتلری محقق دنیایه کلدی و رحمت ، لیان اولان ذات مبارکترینک شرف قدومی ایله بتون مخلوقات ایون فرح و سرور تحقق ایلدی دیه تبشیراتی توالی ایتدی .

.*

بیان اعراب و لغات : [توالث] توالی و تابع ایتدی معنایه ماضی [بشری] فاعل و طوبی و زنده اوله رق مزده معنایه در . [هوائف] هاتفلرک جمعی در . هاتف : صوتی ایشیدیلوب شخصی کورله یین شیدر . هیزه نك فتجی ایله [ان] تفسیریه در ، مدلولی لسانزه [دیه] صورتنده ترجمه اولنور [قد] تحقیق ایچونددر . [ولد] ماضی مجهول [المصطفی] نائب فاعل . [وحق] اولکی جمله اوزرینه معطوفدر ، [حق] ثابت اولدی معنایه فعل ماضی . اسماء حسنای الهیه دن اولان [حق] اسم شریفنک جناب رب العزته اطلاق وجود باریسی ازلا و ابدأ ثابت و متحقق اولدیغی ایچونددر . [هناء] فاعل و فرح و سرور معنایه در .

.*

و تداعی ایوان کسری و لولا

آیه منک ماتداعی البناء

لیله ولادت محمدیه ده ظهوره کان امور عجیبه دن بری . بودرکه او کیجه ایوان کسری یقلمغه باشلادی . یارسولاه اگر بوسندن برعلامت اولیه ایدی او بناء محکم مهتم اولمازدی . بو بنانک انهدامی شبهه سز سنک نبوت و رسالت عامه که و نور جلیل توحیدک اقلیم کفرده اشراق ایلیه چکنه عظیم بر نشانه ایدی .

.*


ایوان کسرانک رصانت فوق العاده سنه نظراً هیچ مأمول دکل ایکن لیله ولادت نبویه مصادف برکیجه دیوارلری بردنبره یارلدی ، ایوانک اون درت شهنشینی یره سقوط ایدوب خاک ایله یکسان اولدی وینه او کیجه بلاد فرسک بعض صومبلری قوریدی ، [ساوه] شهرینک جسم کولنده کی صولز دخی چکیلهرک نابدید اولدی ، نیجه ییللردنبری لاینقطع اشعال ایدلمکده اولان آتشدکلر سوندی ، موبدان [۱] دخی او کیجه بر طاقم سرکش دوهلرک عرب آتلیرینی سورهرک و بوجال اوزره دجله نی کچهرک بلاد فارسه یایلدقلرینه دائر بر رؤیا کوروب بونی اولوقتک کسراسی بولنان نوشیروانه سولدی . نوشیروان بوقدر وقایعک هب بردن برزمانده سرزده ظهور اولیسندن وباخصوص موبدانک کوردیکی رؤیادن پک اندیشه ایدرک سبب و حکمتی صورتدی . موبدان عربستان جهتندن ظهور ایتمش برحادثه اوله جقد [۱] میمک ضمی و واک سکونی و بانک کسری و دال ایله قاضی القضاة مجوی دیمکدر .

مقصودک عذر حصوله قائل اولمق خطادر . بیوک تشبیهلردن اورکه ملی یز ؛ آتیدن نومید اولماملی یز . ژاپونلر کوزمزک اوکنده . اسیانک منتهاسنده ساکن اولان بودکی قومک عزمنه ، عزم تکاملجو . یانه سنه نه ابحار محیطه ، نه ده مسافات بعیده حائل اولدی . آنلر دورین عقل و عرفانلریله آوروپانک بتون مآثر عمران و ترقیسنی کوردیلر . آرزمان ایچنده مملکتلرینی آوروپایه غبطه فرما اوله جق بر درجه ترقیه کتیردیلر . ایش عزمنه ثباتده . عزم و ثباتک ، حسن نیتک اوکنده حائل متصور دکلددر .

اگر آنلرده کندی حاللریله آوروپانک حالنی مقایسه ایتدکلری زمان مغلوب یأس و فتور اولیدیلر بوکون چینلورک درکه سنده قالبرلر ایدی .

واقعا مقصر مهم حصولی مشکلددر . فقط یینه مایوس اولمیه لم . عالم اسلام ایله طانیشه لم ، بیلیشه لم اسکی کوتوکلره یکی فلیرلر آشیلایه لم ، برکون اولورکه ثمره سی اقتطاف ایدیلر . والا کوتوکلر کسلیلر ، یاقیلیر !

فرید



مِنَاقِبِ سَيِّدِنَا

لیلة المولد الذی کان للیدی

ن سرور بیومه و ازدهاء

فیض انوار طلعتکله تابدار اولان او لیله غراء یانبی الله سنک لیله ولادتکدر که او کونده دین ایچون و اهل دین ایچون عظیم سرور و افتخار حصوله کلدی .

.*

رسول اکرم صلی الله تعالی علیه وسلم افندمن کیجه می یوقسه کوندوزمی کهواره زیب شهود اولدی . بونده اختلاف اولندی . ناظم حضرتلرینک سوزندن اولکی صورت نمایان اولیورسده راجح اولان ایکنجیسیندر فقط بعدالفجر دنیایه کلشلددر .

.*

بیان اعراب و لغات : [لیلة المولد] اوست ییتده کی [لیلة غراء] دن بدل . لامک کسریله [مولد] بوراده ولادت معنایه مصدر مینی در . [اندی] مع صلتته مولدک صفی [کان] بوراده [حصل] معنایه فعل تام . [سرور] فاعل ، [ازدهاء] اکا معطوف ، [اللدین] فعله ، [بیومه] ده [باء] ظرفیت ایچون اوله رق فاعله متعلقدر . ضمیر مولده راجعدر . [سرور] سوچ و [ازدهاء] ازتهاء معنایه در ، تنوینلری تنظیم ایچونددر . ازدهانک تلاشی

انحطاطات اجتماعی

(طنین) نك بوهفته كلن نسخه لرنده ، آوستریالی پاپاسلرك شمالی آرناوودلقده کی تسویلات واغفالاتی اوکورکن وبقوربه دارك ایتدم ؛ لوئید قومپانیاسی واپورلرنندن بریله آدریاتیک دكزنده کی ایلك عثمانلی اسکله سنه آدیم آتان بوسیاچ ، بوشرق مسئله سی مراقیلیسی ، برنجی فصلی ایتالیا اینتریکه سی دیه باشالایان کتابنده جین وسفیل حکومت سابقه نك زیر زمینه کچن — طرز جریانیه راهبرك مساعی وموفقیاتنی ، آرناوودلری آرناوودلنی ، ماكدونیایی غننه سیله اكلاتیور وکندی حسابجه نتیجه لر چیقاریوردی . انقلاب مسعود مزله بوکون قورقولی رؤیادرکه سنه اینهن اوحکایه لر ، یقیناره قدر شوقوسقوجه هیئت عثمانیه مزك نصل قورقونج اوچورملر قارشینسنده بولندیغنی دوشونهرك انسانك توکلری اورپرهمك وبوحقارتله ، بوفلا کتله هپ بزکندی کنديمزه سیبیت ویردیکمزی دوشوندکجه ده نه قدر محدود برنظره مالک ونه قدر عاطل برحیات سروکله مکده اولدیغمزه متأسف اولماق قابل دکل . .

اوت ! طنینك یازدیغنی وجهله آوستریا پاپاسلری ، یالکز آوستریا دکل ، ایتالیا ، فرانسه پاپاسلری وتعیرعمومیسيله ، قاتولیکلک ناشرلری ویالکز بونلرده دکل انکلتزه وامریقا هیئات رهبانیه سنه منسوب پرو-تستان میسیونرلریالکز آرناوودلقده دکل ، کردستانده ، جزیره العربده ، آناطولیده ، آفریقا ده عین صورت وعین مقصدله اوغراشیور وکوندن کونه کوکلشدکجه کوکلهشیورلر . آوروپا و آمریقا ده یوزبوله میان بو- (ناشر) لر وطنمزه ایستدکلری کبی فساد ونفاق تخمیلری اکیور والارینه کچیردکلری اولاد وطندن حسیات نجییه دینداراته ویاپوئیر-ورانیهی ازاله ایچون نه لر ایجاد واسناد ایتک لازمه مع زیاده وکال سهولتله تطبیق اییدیور وبلکه قسماً موفق ده اولیورلر .

هیئات رهبانیه زیر اداره سنده بولنان وهیچ بر فحوص ومراقبه تابع اولیان مکاتبیدن هرهانکیسنك هدف مقصودی (تربیه خرسیتانیه) یعنی عداوت اسلامیه اساسنه مستند اولمادیغنی ومثلاً بزم الک بیوک طانییدیغمز وخاطرات جهانگیرانه وعادلانه سیله بحق مفتخر اولدیغمز قلیچ ارسلانلر ، صلاح الدینلر وحالا سایه لرنده یاشادیغمز فاتح ، یاوز ، قانونی کبی جهانلر دکرسلطانلرمز وابدیاً یاشایان بویوک آدملرک سلاح ارقداشی اولان اجدادمز کنج فکرلره ، بووطنك اولادی اولان شاگردانه برر وحشی ؛ دیه توصیف ایدلمدیکنی عجبا کیم ادعا ایده بیلیر . .

حکومتك برطاقم قیود سیاسییه ایله مرتبط اولدیغنی وذاتاً هپ بیلیدیکمز بومکتبلر مسئله سنی بوراده تشریحندن ایسه مقصود اصلیمزه تقرب ایچون دوشونهلم که : هر قوم ، هر جماعت کندی محیطنه ، کندی نقطه نظرینه ، کندی منفعت اجتماعی سنه کوره طبعی ومحق اولان بوتشبلرده بولتیور ، یاییلمق ، چوغالمق Development ایچون —

دیدی . نوشیروان عربستان حاکی نعمان بن منذره بر نامه یازوب دیار عربده کی دانشورانندن برنجی ایستدی ، اوده شامده کاهن مشهور سطیحك یکنی عبدالمسیحی کوندردی . نوشیروان وقائع مذکور نك سببی عبدالمسیحدن صورددقه بونی طایبسی سطیحك بیله جکی جوابی ویرمسیله طایبسنك زردینه کیدوب آندن سؤال کیفیت ایدرك آله جنی معلوماتی کندوسنه بیلیدیرمسنی عبدالمسیحه امر ایستدی . عبدالمسیح شامه کیدوب سطیحه جریان حالی حکایه ایله سبب وحکمتنی استیضاح ایلسنه جواباً سطیح بو وقوعات غریبه آخر زمان پیغمبرینك طوغدیغنه وایوان کسرادن اون درت شهینشك سقوطی ساسانیان سلاله سندن ده ااون درت حکمدار فرمانفرمای ملک عجم اولدقندن صکره سلطنتلرینك آخر الله انتقال ایده جکنه اشارتدر دیدی . عبدالمسیح آلدیغنی بوجوابی کلوب نوشیروانه سویلیدی . فی الحقیقه سطیحك ویردیکی خبر طوغری چیقیدی ، چونکه اکاسره عجم بونك اوزرینه چوق سورمیوب تلف اولدقندن صکره نهایت حضرت عثمان رضی اه عنك زمان خلافتنده آخر ملوک ساسانیان اولان [یزدجرد] دخی فرارایله خراسان جهتلرنده فوت اولدیغندن هجرت سنیه نبویه نك اوتوز برنجی سنه سنده نسل ساسانیان منقطع اولدی ، ملک فارس ید اسلامه کچدی . ایشته بوبیت ایله زيرده کی ایکی بیتده ناظم حضرتلری بو ذکر اولنان احوال ووقائعه اشارت ایتمشدر .

بیان اعراب ولغات : [تداعی] تفاعل بابندن بیقلغه باشلادی معناسنه فعل ماضی . [ایوان] فاعل عربجه ده همزه نك کسریله و فارسی ایله ترکیجه ده همزه نك فتحیه مستعملدر و دیوانخانه معناسنه در [سری] کافک کسری والک تصریله ملوک فرسه مخصوص لقبدر . [لولا] اداتی [لو] ایله [لا] دن مرکب اوله رق ولما من اولسه معناسنه در [آیه] نشان وعلامت معناسنه در . تنوینی تنظیم ایچوندر . (منك) نفی (آیه) کله سنك صفی در ، بوراده غیبتدن خطابه التفات وار . (مانداعی البناء) فعل و فاعل دن مرکب و (لولا) نك جوابی در ، (تداعی) یقلغه باشلادی معناسنه فعل ماضی . (البناء) ده حرف تعریف عهد خارجی ایچون اولوب مراد ایوان کسرادر .

برکت زاده اسماعیل حق بقیه سی وار

قطعه نعتیه

بر مثلی کتیرمش اولسه یدی کلک قدرت ،
بیت القصید اولوردك منظومه جهانده ؛
مصراعیسك که صنعك برجسته تا ازلدن ،
فردیتکله قالدك دیوان کن فکانده .

فرید